

文411
865
25



詞綜補遺卷十一

長洲陶樑

宋詞五十一首

衛宗武 五首

徐儼夫 一首

馮去非 三首

陳合 一首

徐霖 一首

黃應武 一首

曾宏正 一首

柴望 五首

王玉 一首

鍾過 一首

翁孟寅 五首

黃載 五首

周端臣 四首

曹籛 六首



陳郁 一首

丁宥 一首

宋自遜 一首

杜良臣 一首

儲泳 一首

陳璧 三首

陳東甫 二首

嚴參 一首

衛宗武

字洪父自號九山華亭人淳祐間歷官尚書郎出知常州罷歸有秋聲集六卷詞附按張之翰秋聲集序稱九山墓宿草已六白是年為至元甲午則九山當卒于至元己丑距宋已閱十年故焦竑國史經籍志以秋聲集列入元人然九山當屋社之後息影邱園未嘗櫻懷圭組仍當屬之滄桑遺老也

水調歌頭

風雨捲春去紅紫總無餘窈窕一川芳渚軟草接新蒲

楊柳垂垂飄絮桑柘陰陰成幄殷綠正荼敷遷木鶯呼

友營壘燕將雛

金蕉舉珠櫻累豆梅腴壽鄉歌舞樽

前暫得皺眉舒往事南柯印綬晚歲北山杖履寂寞笑

今吾幸作者年侶寫入洛英圖

摸魚兒 小園晚春

小林巒一年芳事亂紅還又飛雨生香冉冉花陰轉雲

擘滿空晴絮遊燕處看樂意相關庭下胎仙舞歌聲緩

度任圓玉敲寒飛觴傳曉未許放春去 閒中趣明月

清風當戶莘莘容屋陳俎剪裁妙語頻賡唱巧勝郢斤

如斧心自許拚凋景頽齡為鶯儔燕侶同盟會取共花

下小車竹間三徑長作老賓主

又 疊前韻

見春來又將春盡狂風那更癡雨一番芳徑催人老
首綠楊飄絮歡會處有小小亭池止欠妙歌舞光陰梭
度對草木幽姿候禽雅奏客至未應去 十年裏冷落
翟公門戶朋來草草樽俎投閒贏得浮生樂肯羨油幢
繡斧春幾許任洛譜名葩留燕耆英侶浮榮競取縱帶
玉圍腰印金繫肘爭似鶯花主

木蘭花慢

和荃渡賦菊

聚林園芳景盡輸韓圃陶籬任雨虐風饕露凝霜壓叢

木離披正色幽香不減與冬蘭並秀結心知天賦花中
名節不教桃李同時 清奇秋後尤宜浮卉盡尙芳菲
稱處士庭除先生簡冊聲續吾伊便好竹間松下擅晚
芳長伴歲寒姿懊恨攜尊已晚明年來把花枝

醉江月

山中霜寒有作

露珠凝聚夜更長寒壓一牀衾重局縮龜藏燈晃悄明
滅銀缸欲凍鼻觀流珠肌紋浮粟鼓枕難成夢明蟾交
映一枝清影梅弄 曉見黃隕丹空但瓊華點綴萬梢
森聳橘柚香來分好景書後儘堪題送青女呈工玉妃
信漸六翼飛動瑞花盈晝青青疊嶂良勇

徐儼夫

字公望號桃渚平陽人淳祐二年進士第一官至禮部侍郎

俞文豹吹劍錄外集紹興戊辰王佐為狀元慶元丙辰莫子純為狀元皆越人嘉定丁丑狀元吳履齋潛淳祐辛丑狀元徐公望儼夫至己酉年履齋帥越徐在別榻會鹿鳴宴僚屬作樂語皆不愜意履齋乃自草之末云對丁丑辛丑之狀元座中盛事繼戊辰丙辰之舉首鄉曲美談

西江月

曲折迷春院宇參差近水樓臺吹簫人去燕歸來空有

落梅香在 花底三更過雨酒闌一枕驚雷明朝飛夢

隔天涯腸斷流鶯聲碎

馮去非

字可遷號深居南康都昌人淳祐元年進士幹辦淮東轉運司寶祐四年召為宗學諭丁

大全為左諫議三學諸生叩闈言不可帝下詔禁戒立石三學去非獨不肯書名碑下未幾大全簽書樞密院去非罷歸宋史有傳愚見紀忘云宋時內樓五更絕柳鼓交作謂之蝦蟆更禁門方開百官隨入所謂六更也馮去非詩云春風吹送笑談香玉漏銀鐙破夜涼歸去東華聽宮漏杏花落盡六更長按史稱去非罷歸舟泊金焦山有僧上謁乘間致大全意願毋遽歸少俟收召去非正色日程丞相蔡參政牽率老夫至此今歸廬山不復仕矣斯言何為至我觀詞中故山猿鶴諸語恬退之志自然流露殆淵明所謂稱心而言也

八聲甘州

見陽春白雪

買扁舟載月過長橋回首夢耶非問往日三高淸風萬
繼者伊誰惟有茶烟輕颺零露濕蕤絲西子知何處

言續補遺卷十一
驚怨蛩悲 遙想家山好在正倚天青
生不瘦雲肥
拋奇耽秀猿鶴互猜疑歸去好散人相國迥升沈畢竟
總塵泥須還我松間舊隱竹上新詩

點絳脣

秋滿孤篷翠蒲紅蓼留人住一簾香縷邊影驚鴻度
小據胡床舊事新情緒憑誰訴蠟燈犀塵擬共西風語

喜遷鶯

涼生遙渚正綠芰擎霜黃花招雨雁外漁邨一作燈蛩邊

蟬舍絳葉表秋來路世事不離雙鬢遠夢偏欺孤旅送
望眼但憑闌微笑書空無語 慵覩一作看清鏡裏十載

征塵長把朱顏污借箸青油揮毫紫塞舊事不堪重舉
間澗故山猿鶴冷落同盟鷗鷺倦游也便檣雲拖月浩
歌歸去

陳

合

字惟善長樂人淳祐四年進士歷官禮部侍郎起拜端明殿學士簽書樞密院謚文惠

隱居通議德祐時魯港師潰賈師憲奔揚州上章待罪詔降三官罷爲醴泉觀使陳惟善方直玉堂草制其戒詞有曰膺戎狄懲荆舒朕無望周公之事率秦師雪殺耻爾尙蓋孟明之羞蓋譏師憲以周公自許也

寶鼎現

壽賈師憲

見齊東野語

神鼇誰斷幾千年再乾坤初造筭當日枰棋如許爭一
世吾其祗左談笑頃又十年生聚處處幽風葵棗江如

楚氛餘幾猛聽甘泉捷報 天衣細意從頭補爛山
龍華蟲黼藻宮漏永千門魚鑰截斷紅塵飛不到六街
九軌看千貂避路庭院五侯深鎖好一部太平六典一
一周公手做 赤烏繡裳消得道斑爛衣好儘麗眉鶴
髮天上千秋難老甲子平頭纔一過未識汾陽考看金
盤露滴瑤池龍尾放班回早 按詞中左補鎖傲等韻純
用閩音與四朝聞見錄所
載林外一詞同

徐霖

字景說號經畝西安人淳祐四年試禮部第
一授沅洲教授擢祕書省正字遷著作郎乞
補外知撫州景定二年
知汀州卒宋史有傳
癸辛雜識趙汝騰為從官力薦三衢徐霖為
著作郎至比之范文正公而霖舉止顛怪妄

自尊大霖之無忌憚皆汝騰縱其狂至目汝
騰為大宗師已為小宗師遞相汲引霖既被
逐汝騰亦不自安遂求補外

長相思

見陽春白雪

聽鶯聲惜鶯聲客裏鶯聲最有情家山何處青 問歸

程數歸程行盡長亭又短亭征衫脫未成

按景說以淳祐十二年出

知撫州未幾以言事罷歸詞當作於是時次年改元寶祐復有鄂州之命末句征衫脫未成亦詞識也

黃應武

百字令

欵署淳祐換號五月一日黃應武景行同
劉子真侯時舉廖彥植吳漢卿譚謙夫簡

衡甫郭温夫霍慶昌霍元善遊白龍洞景行
賦詞子真命工刻于石 見臨桂元巖石

刻

乾坤開闢桂林有元氣自來融結石磴盤空行木杪
柱屹然中立窟宅幽深泉源清遠不是靈神學潛通後
洞張劉萬古遺跡 輸我長劍凌虛六塵盡掃銀海秋
波碧志氣飄飄遊物外惟有清風知得喚起白龍護持
颺馭稽首朝金闕山靈欣喜紫雲已在詩壁

曾宏正 臨江人

水調歌頭

欽署臨江曾宏正作同遊崇仁吳湜廬陵楊壽惠三山陳華子羽士李可道子公邁公适侍淳祐癸卯九月望

風月無盡藏泉石有膏肓古今桂嶺奇勝騷客費平章
不假鬼謀神運自是地藏天作圓魄鎮相望舉首吸空

翠赤脚踏滄浪 驚龍臥攀棲鷗鷺鸞鳳秋爽一天涼

露桂子更飄香坐我水精宮闕呼彼神仙伴侶大杓挹

瓊漿主醉客起舞今夕是何鄉 按詞刻臨桂水月洞跋云先會祖自宋提點湖

南刑獄淳祐癸卯調廣西運使家藏文集知有留題惜不能抵其地迨夫驥備員臨桂至馬玉慈氏閣水月白龍諸洞得觀先公題詠遺跡距今百年其題楹者幸完刻石者筆法間失其舊仰瞻留玩感慨係之乃捐已俸命工鐫滌以永方來大元至正二年壬午良月曾孫承務郎靜江路臨桂縣尹兼勸農事夫驥同曾姪孫直方元孫義存子成存拜手謹書

柴望

字仲山號秋堂又號歸田江山人嘉熙中爲太學生除中書奏名淳祐六年丙午日食詔

求直言上丙丁龜鑑逮下詔獄尋放歸景炎二年薦授史館編校宋亡後自號宋逋臣與從弟通判隨亨制參元亨察推元彪居樺林九磔間稱柴氏四

蘇幼安柴秋堂墓誌秋堂放
湧金門外者為三山鄭震邵武吳陵建安葉
元素松溪朱繼芳錢塘翁孟寅田井陳麟黃
溱南康馮去辨西江趙崇嶠曾原一盱江黃
載汝陽周弼各賦詩為別
柴氏四隱集載秋堂靈芝寺別祖席諸友詩
云落日寒城暮雨餘滿斟離酒意何如見妻
還指張儀舌痛國誰憐賈誼書羸馬病童旋
雇倩寺禽山獠亦欲獻長安可是深居處更
向深山深處居

念奴嬌

見陽春白雪

春來多困正日移簾影銀屏深閉喚夢幽禽烟柳外驚
斷巫山十二宿酒初醒新愁半解惱得成憔悴蓬鬆雲
鬢不忺鸞鏡梳洗 門外滿地香風殘梅零亂玉糝蒼
苔碎乍煖乍寒渾莫擬欲試羅衣猶未闕草雕闌買花

深院做踏青天氣晴鳩鳴處一池昨夜春水

摸魚兒

登嚴州西樓

望長江幾分秋色三分渾在烟雨傷心已怕江南樹那
更暮蟬如語帆且住試說著羊裘釣雪今何許魚龍自
舞但一舸蘆花數聲羌笛鷗鷺自來去 年年恨流水
朝朝暮暮天涯長歎飄聚衾寒不轉鈞天夢樓外誰歌
白紵君莫訴君試按秦箏未必如鍾呂鄉心最苦算祇
有娟娟馬頭皓月今夜照歸路

桂枝香

今宵月色歎暗水流花年事非昨瀟灑江南似畫舞佩

飄柝誰家又唱江南曲一番聽一番離象孤鴻飛去殘
霞落盡怨深難托 又腸斷丁香畫雀記牡丹時候歸
燕簾幙夢裏襄王想念王孫飄泊如今雪上蕭蕭鬢更
相思連夜花發柘枝猶在春風那似舊時宋玉

齊天樂

淒淒楊柳瀟瀟雨悄窓怎禁瀟瀟思裏傳蛩愁邊落雁
多少東吳山色知他恨極料爲我窓前強鳴刀尺竟日
西風那堪無寐更鄰笛 黃花開遍未也花開應笑我
年少難覓灞上長安口口渭水都把韶華暗擲何人碎
璧尙衰草連天暮烟凝碧怕說相思撼風喧夜寂

祝英臺近

丁巳暮春訪楊西村湖上懷舊

見

小船兒雙去艣紅濕海棠雨燕子歸時芳草暗南浦自
從翠袖香消明璫聲斷怕回首舊尋芳處 向誰語可
憐金屋無人冷落鳳簫譜翠入菱花蛾眉爲誰嫵斷腸
明月天涯春風海角恨不做楊花飛去

王

字寧翁

柴望秋堂遺稿石頭寺和王寧翁韻云懷鄉
弔古易傷心絕頂危亭共客臨朝市幾經兵
火後山川轉覺樹雲深百年歌舞空臺沼六
代豪華漫陸沈惟有亂鴉歸去晚夕陽無限

暮城陰

朝中措

見陽春白雪

楊花繞晝暖風多晴雪點池波戲數翠斗幾層零星未
礙圓荷 軟人天氣半如溽暑半似清和說與香篝繡
火酒痕梅却衣羅

鍾 過 字改之號梅心廬陵人
中寶祐三年乙卯解試

步蟾宮 見絕妙好詞

東風又送醪醑信蚤吹得愁成潘鬢花開猶似十年前
人不似十年前俊 水邊珠翠香成陣也消得燕窺鶯
認歸來沈醉月朦朧覺花氣滿襟猶潤

翁孟寅 字寅暘號五峰
錢塘人

四朝聞見錄翁中丞彦國建之崇安人子謙
之進士孫孟寅嘗首臨安鄉薦

吳文英夢窓乙亥江城子送翁五峯自崔江
還都云西風一葉送行舟淺遲留艤汀洲新
浴紅衣綠水帶香流應是離宮城外晚人
立小簾鉤新歸重省別來愁黛眉頭半痕秋
天上人間斜月繡針樓湖浪莫迷花蝶夢江
上釣負輕鷗
陳允平西麓詩稟寄翁寅暘云歷歷長途謁
魯侯征塵寧復戀貂裘江城露冷霜初滑海
谷冰消水欲流夜月觀書徐穉榻春風聽樂
仲宣樓料君頻作西湖夢曾憶孤山有舊遊

燭影搖紅 見陽春白雪

樓倚春城瑣窓曾共巢春燕人生好夢比 絕妙好
詞作逐 春風

不似楊花健舊事如天漸遠奈情絲牽愁未斷鏡塵埋

恨帶粉栖香曲屏寒淺 環佩空歸故園羞見桃花面

輕烟殘照下闌干獨自珠簾捲一信狂風又晚海棠花

隨風滿院亂鴉歸後杜宇啼時一聲聲怨

阮郎歸

月高樓外柳花明單衣怯露零小橋燈影落殘星寒烟
蘸水萍歌袖窄舞鬟輕梨花夢滿城落花啼鳥兩無
情春愁添曉醒

齊天樂

幽香不受春料理青青尙餘秋髻礪曲巖隈烟梳露浴
甘與菰蒲共隱芳標瘦迥看纓結丁香帶縈晴荇恨水
東流楚江憔悴亂雲暝淒涼夢遊故苑縱妒花風暴
吹夢難醒豔李天桃紆青佩紫爭似廣文官冷塵波萬

頃算誰是同心自憐孤影收斂風流素絃清夜永

天
元夕

紅香十里銅駝夢如今舊游重省節序飄零歡娛老大
慵立鎿光蟾影傷心對景怕回首東風雨晴難準曲巷
幽坊管絃一片笑聲近飛棚浮動翠葆看金釵半溜
春妒紅粉鳳輦釐山雲收霧斂迤邐銅壺漏迥霜風漸
緊展一幅青綃淨懸孤鏡帶醉扶歸曉醒春夢穩

摸魚兒

捲西風方肥塞草帶鉤何事東去月明萬里關河夢吳
楚幾番風雨江山路二十載頭顱凋落今如許涼生弄

塵歎江左夷吾隆中諸葛談笑已塵土 寒汀外還見

來時鷗鷺重來應是春暮輕裘峴首陪登眺馬上落花

飛絮拚醉舞誰解道斷腸賀老江南句河津少駐舉目

送飛鴻幅巾老子樓上正凝佇浩然齋雅談賓賜嘗遊維揚賈師憲開帷闥甚

前席之其歸又置酒以饒賓賜即席賦此詞師憲大喜

舉席間飲器凡數十萬悉以贈之

黃

載

字伯厚號玉泉南豐人大受子仕至廣東兵馬鈐轄

隱居通議玉泉為京西提刑寶章朱公夢吉之婿以詩得名于嘉熙淳祐間受知于丞相

鄭忠獻公清之集名蜡社歌餘有鍾馗觀鬼門蟆圖傳誦一時

畫錦堂

牡丹

見陽春白雪

麗景融晴浮光起畫玉妃信意尋春笑酒盃翻手滿地

祥雲寶臺艷感文綃帕郎官嬌舞鬱金裙嫣然處况是

生香微濕膩臉餘醺 暖烘肌欲透愁日炙還銷風動

成塵細為品歸雪調度與朱脣翠幃晚映真圖畫金蓮

夜照越精神欲拚醉回首夕陽流水碧艸如茵

隔浦蓮

荷花

瑤妃香透鞵冷竚立青銅鏡玉骨清無汗亭亭碧波干

頃雲水搖扇影炎天永一國清涼境 晚妝靚微酣不

語風流幽恨誰省沙鷗少事看到睡鴛雙醒蘭棹歌遙

隔浦應催暝藕絲縈斷歸艇

孤鸞

四明後圃石峯之下小池之上有梅花

冰心孤寂戀幾插靈峰半泓寒碧骨瘦和衣薄清絕成
愁極蕭然滿身是雪怕人知鏡中消息獨向百花夢外
自一家春色 記羅浮幽夢渾如昔有浸眼鯨波倚雲
丹壁夜醉空山酒叫裂橫霜笛回頭洞天未曉但迢迢
江南水驛飲散東風落月正海山浮碧 碧字韻複舊本
如是仍之

東風第一枝 探梅

迅影彫年嫩晴蕙暖意行問訊春色不知春在誰家闌
香慢攏玉勒一枝竹外似欲訴經年相憶奈情多難剪
愁來寂寞水寒烟碧 吟正好悲笳喚恨酒正殢夕陽
催客殷勤片月飛來更隨暗香細索橫斜瘦影看盡未

開時消息為春來還怕春多腸斷夜闌霜笛

洞仙歌

始蘇舊臺在三十里外今臺在胥門上次
潘紫岩韻

吳宮故壘是天開圖畫縹緲層雲出飛榭隱隱樓空翠
巘水遶蕪城平疇迥點染霜林彫謝 越來溪上雁聲

切闌干似覓胥門怨吳霸屬鏤沉香溪斷夢散雲空千
年外等是漁樵閒話但極目荒臺鬱蒼烟衰草裏又還
夕陽西下

周端臣

字彥良號葵
憲建業人

武林舊事御前應制周葵憲端臣曹松山逢
陳藏一郁

釋斯植采芝集挽周彥良詩云白首功名未
十年寡妻相吊泣江干詩名似水聲還遠世

事如雲夢已殘楊柳滿隄人去後海棠深巷
雨初乾東風忽起青山淚雖有君書不忍看

春歸怨

越調

見陽春白雪

問春為誰來為誰去匆匆太速流水落花夕陽芳草此
恨年年相觸細履名園閑看嘉樹藹翠陰成簇爭知也
被韶華換却詩人髻邊綠 小花深院靜旋引清尊自
歌新曲燕子不歸來風絮亂吹簾竹誤文姬凝望久心
事想勞頻卜但門掩黃昏數聲啼鴉又喚起相思一掬

清夜遊

越調

西園昨夜又一番闌風伏雨清晨按行處有新綠照人
亂紅迷路歸吟窻底但瓶几留連春住窺晴小蝶翩翩

等閒飛來似相妒 遲暮家山信杳奈錦字難憑清夢
無據春盡江頭啼鴉最悽苦薔薇幾度花開誤風前翠
尊誰舉也應念留滯周南思歸未賦

玉樓春

見前賢小集拾遺

華堂簾幕飄香霧一搦楚腰輕束素翩躚舞態燕還驚
綽約妝容花盡妒 尊前謾詠高堂賦巫峽雲深留不
住重來花畔倚闌干愁滿闌干無倚處

木蘭花慢

送人之官九華

靄芳陰未解乍天氣過元宵訝客袖猶寒吟窻易曉春
色無聊梅梢尚留顧藉滯東風未肯雪輕飄知道詩翁

欲去遞香要送蘭橈 清標會上發霄千里阻九華遙
料今朝別後他時有夢應夢今朝河橋柳愁未醒贈行
人又恐越魂銷留取歸來繫馬翠長千里柔條

曹

遵 字擇可
號松山

按遵爲賈似道客咸淳臨安志龍泓洞題名
期而不至者有鄭泌安劉翁孟寅趙希彭曹
良朋曹遵

玲瓏四犯

茶蘼應制

見陽春白雪

一架幽芳自過了梅花獨占清絕露葉檀心香滿萬條
晴雪肌素靜洗鉛華似弄玉乍離瑤闕看翠蚪白鳳飛
舞不管莫鴉啼鳩 酒中風格天然別記唐宮賜尊芳

列玉蕤喚得餘春住猶醉迷飛蝶天氣乍雨乍晴長是
伴牡丹時節夜散瓊樓宴金鋪深掩一庭春月

齊天樂

和翁時可悼故姬

翠簫聲斷青鸞翼心期口釵誰表夜燭銀屏春風粉袖
猶記琵琶斜抱瑤池路杳恨巫女回雲月娥沉照謾說
蓬萊玉環花貌夢難到 巖花亭院乍冷更蛩吟風碎
鴻飛烟渺綠玉彈棋紅牙按拍樂事歡情終少劉郎未
老要鬢翼堆元腕酥凝皓莫忘香期綠羅裙帶草

瑞鶴仙

爐烟消篆碧對院落秋千晝永人寂濃春透花骨正長

紅小白暈香塗色銅駝巷陌想游絲飛絮無力念繡窻
深鎖紅鸞虛度禁烟寒食 空憶象牀沈水鳳枕屏山
殢歡尤惜粉香狼籍海棠下東風急自秦臺簫咽漢臯
珮冷斷雨零雲難覓但杏梁雙燕歸來似曾舊識

蘭陵王 雨中登龜谿乾元寺閣賦

杏花坼烟柳藏鴉翠陌蘇堤上人正踏青嫩草茸茸襯
羅袂遊絲挂晴塔十里隋紅艷白秋千外嬌靨笑春一
片笙簫倚霞碧 阿香如傾國把鏡日深奩絲雨愁織
崇桃積李無顏色但蝶粉香漬燕泥芹冷紫錢芳暈翳
寶瑟悵還近寒食 岑寂恨無極更酒驛孤烟碁院長

日梨花滿地春狼籍望鳳闕波渺燕臺雲隔凭闌干晚
吟袖濕但笑拍

惜餘妍 被召賦二色木香

同根異色看鏤玉雕檀芳艷如簇秀葉玲瓏嫩條下垂
修綠禁華深鎖清妍香滿架風梳露浴輕盈便似覺醅
釀格調粗俗 蜂黃間塗蝶粉疑舊日二喬各樣妝束
費却春工門合靚芳穠馥翠華臨檻清賞飛鳳翠休辭
醉玉晴晝鎖貯瑤臺金屋

宴山亭 被召賦繡毬

香月玲瓏柔風鏤刻嫩綠枝頭圓膩飛梭艷宇絮柳池

塘獨立萬紅塵外戲舞千團訝粉羽留連春媚非是看
滾雪拋瓊鏡鸞相倚 唐昌仙館風流有霞洞藏花紺
鬢玉蕊雕闌占賞禁苑承恩難比太平瑤卉遍插金瓶
更移近寶猊烟翠堪愛只少箇鴛鴦繡帶

陳

郁

字仲文號藏一臨川人理宗時充緝熙殿應
制又充東宮講堂掌書兼撰述著話腴四卷
李社陳盼兒傳庚申八月太子請兩殿幸本
宮清霽亭賞芙蓉木樨部部頭陳盼兒捧牙
板歌尋尋覓覓一句上曰愁悶之詞非所宜
聽可令陳藏一換一卽景快活聲聲慢
毛珣吾竹小藁陳藏一山房云一室焚香卽
太初萬人如海儘從渠第於心上曾無着何
必山中始可居垂箔護花嫌引蝶連筒汲井
怕生魚草元政不妨人事問字敲門未可踈
按藏一子世崇謨隨隱漫錄述度宗贊其父
像有文窺西漢詩到盛唐之語劉壎水雲卹

泯稟觀度宗御批令藏一進世崇詩文稟跋
云度宗在春宮時盛年潛躍汲汲斯文惜不
遇園綺羽翼乃下訪藏一父子之卑陋蓋深
致不滿之詞焉

按劉一清錢唐遺事賈似道當國時陳藏一
作咏雪念奴嬌一闕以譏之其詞鄙俚置不
復錄

聲聲慢 應制賦芙蓉木樨

澄空初霽暑退銀塘冰壺雁程寂寞天闕清芬何事早
飄岩壑花神更裁麗質漲江波一奩梳掠涼影裏算素
娥仙隊似曾相約 閑把雨花商畧開時候羞趁觀桃
堦藥綠幕黃簾好頓膽瓶兒著年年粟金萬斛拒嚴霜
錦絲圍幄秋富貴又何妨與民同樂

丁宥

字基仲
號宏菴

夢窻甲豪高山流水丁基仲側室善絲桐賦
詠曉達音律備歌舞之妙云素絃一一起秋
風寫柔情都在青葱徽外斷腸聲霜霄暗落
驚鴻低翼處剪綠裁紅仙郎伴新製還賡舊
曲映月簾櫳似名花並蒂日日醉春濃
吳
中空傳有西子應不解換羽移宮蘭蕙滿襟
懷唾碧總噴花茸後堂深想費春工客愁重
時聽蕉寒雨碎淚濕瓊鐘恁風流也稱金屋
貯嬌慵
絕妙好詞箋基仲水龍吟葱指冰絃蕙懷春
錦又云悵芙蓉城杳當是悼其側室而作觀
夢窻詞可證也

水龍吟

見陽春白雪

鴈風吹裂雲痕小樓一線斜陽影殘蟬抱柳寒蛩入戶
淒音忍聽愁不禁秋夢還驚客青燈孤枕未更深早是

梧桐泣露那堪度蘭宵永空歎銀瓶智井醉鄉醒温
柔鄉冷征塵倦撲閑花漫舞何心管領葱指水絃蕙懷
春錦楚梅風韻恨芙蓉城杳藍雲依黯鎖巫峯暝

宋自遜

字謙父金華人自
適弟號壺山居士

梅磴詩話宋謙甫萍詩云苦無根蒂逐波流
風約纜稀雨復稠舊說楊花能變此是他種
子已輕浮蚊詩云朋比趨炎態度輕禦人口
給屢憎人雖然暗裏能鑽刺貪不知幾竟殺
身皆不專詠物
瀛奎律髓慶元嘉定以來乃有詩人爲謁客
者干求一二要路之書謂之潤匾副以詩篇
動獲千萬緡宋謙父一謁賈似道獲楮幣二
十萬以造華居是也

賀新郎

雪堂弔東坡

見陽春白雪外集

喚起東坡老問雪堂幾番興廢斜陽衰草一月有錢三十塊何苦抽身不早又抵用北門摘藻儋耳蠻烟添老色和陶詩翻被淵明惱畢竟是忘言好 周郎英發人間少漫依然烏鵲南飛山高月小歲月堂堂留不住此世何時是了算不滿英雄一笑我有豐淮千斗酒把新愁舊恨都傾倒醉吹笛到天曉

杜良臣

皇宋書錄杜良臣字子卿豫章士人也善小篆見重一時趙銳者幼與子卿友善嘗謂余言子卿幼日見窻紙有篆字者亦輒割而取之可以見其嗜學也同時又有漆遂良者亦博洽飽學人稱漆杜云

三姝媚

見陽春白雪

花浮深岼樹迎新曦窻影細觸浮塵映葉青梅記共折南枝又及嘗新駐屐危亭烟墅杳風物撩人虹外斜陽留晚鶯邊落絮催春 心事應辜桃葉但自把新詩徧寫修筠恨滿芳洲倩晚風吹夢暗逐江雲慢撚輕攏幽思切清音誰聞謾有鴛鴦結帶雙垂繡巾

按三姝媚詞律只載仄韻

二調此獨用平且句調多不合當是又一體詞律霜葉飛只載夢窻一調玉田作收處少一字且上段句法不同起句四字亦失註叶又如側犯後段本作四字四句姜白石精於律呂尾句云寂寞劉郎自修花譜與周美成同此作紅友因聽字同韻遂臆為二字句又云白石之寔字借作暮字強作解事可笑也偶與蒲褐老人商訂詞譜舉及紅友之陋並記於此

儲 泳 字文卿號華谷僑寓華亭著有詩家鼎鑿及祛疑說

齊天樂 見陽春白雪

東風一夜吹寒食枝頭片紅猶戀宿酒初醒新吟未穩
凭久闌干留暖將春買斷恨苔逕榆堦翠錢難貫陌上
秋千相逢那認舊時伴 輕衫粉痕褪了絲緣餘夢在
良宵偏短柳線經烟鶯梭織霧一片舊愁新怨慵拈象
管待寄與深情難憑雙燕不似楊花解隨人去遠

陳 璧 字雲厓亦作芸

按江湖後集儲文卿送陳雲厓詩云詩價侯門賤時情客路輕談在庵有摸魚兒詞懷雲厓東甫游湘潭作與王樓春詞湘流寄恨語相合在庵詞云多情記把香羅袖殘粉半沾

荆樹知東甫為雲厓昆季行也四朝聞見錄載寧皇試宏博之士時徐鳳少監與今宗簿劉澹然俱試主司出唐厓八變序秘書陳璧閱卷陳素不習詞學閱劉卷方以用山河厓事為疑又閱徐卷謂非正史所載劉徐俱黜當是另屬一人

踏莎行 見陽春白雪

江濶天低樓高思迥春烟黯淡如秋景今年芳草去年
愁分明又報明年信 燕子還來歸期未定可堪醉夢
紅塵境世間萬事儘銷磨水流不盡青山影

謁金門

春晝永接葉鳴禽相應風定落紅香一逕踈踈窻竹影
寂寞年時酒病遠笛悠悠吹醒閑上層城天又暝雲

山青不盡

玉樓春

瓊奴家與章臺並路遠可憐歸夢近被頭浪語臉紅香
鏡面頻思眉翠暈年年花月年年病花月無情人有
恨欲將此恨寄湘流又恐湘流流不盡

陳東甫

撫州人

雪磯叢稟贈別陳東甫呈尚書鍾公云洞庭
濯足共題詩今聽驪駒話別離泣玉可能悲
卜子買金只合鑄鍾期荷盤剪綠須栖口鷺
頂分絲補接離斗酒彘肩聊自壯古來騷客
例寒飢又云陳東甫酒間舉歸心只有杜鵑
知之句猶未成篇因為續之歸心只有杜鵑
知且倚裴亭共燃髭客路秋風吹杜若故園
春雨老辛夷家貧未辨閒居賦世濁空吟感

寓詩邂逅江湖還別去岸花檣燕兩堪悲

長相思

見陽春白雪

花深深柳陰陰度柳穿花覓信音君心負妾心 怨鴉
琴恨孤衾鈿指釵盟何處尋當初誰料今

望江南

芳思遠南苑惜春時翠柳枝柔金笛怨碧桃花老玉笙
悲風日正遲遲

嚴

參

字少魯自號三休居士邵武人與嚴羽嚴仁稱邵武三嚴

沁園春

見歷代詩餘

日歸日歸歸去來兮吾將焉歸但有東籬菊有西園桂

詞綜補遺卷十一
有南溪月有北山薇蜂則有房魚還有穴蟻有樓臺獸
有依吾應有雲中舊隱竹裏柴扉 人間征路熹微看
處處丹楓白露晞况寒原衰草牛羊來下淡烟秋水鱸
鰕初肥自笑平生頽然骨相只合持竿坐釣磯都休也
對西風無語落日斜暉

詞綜補遺卷十一

詞綜補遺卷十二

宋詞六十六首

利登 十首

李演 六首

劉瀾 四首

趙與洽 二首

万俟紹之 三首

張紹文 四首

史衛卿 一首

黃中 一首

蘇茂一 三首

丁默 三首

姚勉 四首

陳著 九首

羅椅 三首

李振祖 一首

長洲 陶樑 緝

李曾伯 二首

陳策 二首

趙潛 二首

葉闡 一首

廖瑩中 一首

趙從橐 一首

郭居安 一首

李重元 一首

李次山 一首

利登 字履道號碧澗金川人有韻藁一卷

隱居通議履道嘗於臨川道上得詩云晚覺
儒冠誤力耕已不任風雲入書史日月送烟
林古來一日養人子百年心清風滿天下欲
棲無寸陰太息復太息孤雲生暮岑興致高
潔非江湖可跂及也尤工長短句如自况云
花外潮回劍邊虹去撫寒江千里賦虞美人
云當時養士知何許總把降幡去漢家王氣
塞乾坤一樹盈盈不為漢家春意度彌佳他

詞盈帙麗語層出但兒女情多終傷正氣耳
履道家盱城西門以禮記擢第仕止寧都尉

風入松 見陽春白雪

斷蕪幽樹際烟平山外更山青天南海北知何極年年
是匹馬孤征看盡好花結子暗驚新笋成林 歲華情
事苦相尋弱雪髯毛侵十千斗酒悠悠醉斜河界白月
雲心孤鶴盡邊天澗清猿啼處山深

綠頭鴨

晚春天柳絲初透晴烟黯離懷綠房深處艷遊曾記當
年襯龍綃亭亭玉樹步鴛褥窄窄金蓮燒蜜調蜂翦花
挑蝶香雲微濕綠鬢嬉游困倚郎私語還愛撫郎肩

共携手海棠院左翡翠屏邊
恨無情錦籠鸚鵡等閑
輕語花前昔相憐關山咫尺今相望咫尺關山是妾心
闌是郎意嬾是郎無分妾無緣都休問金枝雲裏何日
跨金鸞深盟在香囊暗解終值雙鴛按隱居通議履道嘗有所屬意者中
更睽阻賦玉臺體數十篇以寄興此詞及過秦樓一闕均爲緣情之作

菩薩蠻

玉闌干外重簾晚流雲欲度長天遠花草不知名春來
各自春
綠鞍遊冶客何處垂楊陌不信不歸來海棠
花又開

水調歌頭

日日換飛澗風雨老孤松千岩萬壑秋重白氣接長空
一笑掀髯徐起蒼珮腰間相照猶自湧晴虹桑海幾番
覆人尙醉春風
橫白石結綠綺送飛鴻十年夢事消
歇長劍吼青龍却笑人間多事一殼蝸涎光景顛倒死
英雄雲日空濛裏玉鶴任西東

洞仙歌

弄香吹粉記前回酒困綠露沉沉轉花影翠簾深隱隱
紅霧依人荷月靜新樣雙鸞交映
如今誰念省短雨
長雲會托琵琶再三問最苦綠屏孤夜久星寒無處頓
風流心性又莫是偷香寄韓郎到漏洩春風一枝花信

風流過秦樓

眉黛山分靨朱星合郁郁夜堂初見芙蓉寄隱荳蔻傳
香便許翠鬟偷剪迎夜易羞欲晨先怯風流口口未慣
正流蘇帳掩綠玉屏深紅香月煖 誰信道媚日難留
驚雲易散從此三橋路遠巢燕春歸剪花詞在難寄題
紅一片料想伊家如今羞傍琴窗慵題花院但碧桃影
下應對流紅自歎

齊天樂

淡雲荒草秋汀暮歸心又寒烟水論檻移花量船載酒
寂寞當年情味孤篷夜閉聽四壁松聲欲高還細似近
如遙露鴻聲亂楚天外 藍橋人斷歲久舊家曾共賞
九華花事艷雪初融生香自暖消得金蓮帖地相思破
睡謾一點琴心暗闕千里愁怯潮生曉帆風又起

鷓鴣天

鳳尾鬟香再疊梳藕絲衫嫩蹙雙魚閑收茉莉熏藤枕
自插芙蓉遶翠幙 新浴後淺妝初衛夫人帖學行書
西窗一霎黃昏雨笑問新涼飲酒無

風流子

梨園花柳地扶殘醉曾記問妖嬈歎惹住輕烟柔絲未
改霏零疎雨膩粉先飄更低道花無三日艷柳有一年

嬌卷翠未遲醉紅易失共偎香影同賞良宵
如今知何處三山遠雲水一望迢迢旁砌青鸞好在誰送歸颺
但花下紅雲尚通夕照柳邊白月自落寒潮最是無端
子規啼破寒梢

水調歌頭

相聚不知好相別始知愁筍輿伊軋穿盡斜照古平洲
今夜荒風脫木明夜山長水遠後夜已他州轉覺家山
遠何計去來休酒堪沽花可買月能留相思酒醒花
落五更頭長記疎梅影底一笛紫雲飛動相對大江流
此別無一月一月一千秋隱居通議云此詞極涵婉沉

李

演

字廣翁號秋堂有盟鷗集

朱繼芳靜佳乙藁題李秋堂盟鷗集相逢已恨十年遲買酒湖山一夜時明日送春仍送客柳花風颺鬢邊絲

摸魚兒

太湖

見絕妙好詞

又西風四橋疎柳驚蟬相對秋語瓊荷萬笠花雲重
嬾紅衣如舞鴻北去渺岸芷汀芳幾點斜陽字吳亭舊
樹又繫我扁舟漁鄉釣里秋色淡歸鷺長干路草莽
疏烟斷墅商歌如寫羈旅丹溪翠岫登臨事苔屐尚黏
蒼土鷗且住怕月冷吟魂婉冉空江暮明燈暗浦更短
笛銜風長雲弄晚天際畫秋句

聲聲慢

問梅孤山

輕鶻繡谷柔屐烟隄六年遺賞新續小舫重來惟有寒
沙鷗熟徘徊舊情易冷但溶溶翠波如縠愁望遠甚雲
銷月老暮山自綠 頌笑人生悲樂且聽我樽前漁歌
樵曲舊閣塵封長得樹陰如屋淒涼五橋歸路載寒秀
一枝疏玉翠袖薄晚無言空倚修竹

醉桃源

題小扇

雙鴛初放步雲輕香簾蒸未晴杏鎔暗淚結紅冰留春
蝴蝶情 寒薄薄日陰陰錦鳩花底鳴春懷一似草無
憑東風吹又生

南鄉子

夜宴燕子樓

芳水戲桃英小滴燕支浸綠雲待覓瓊觚藏綵信流春
不似題紅易得沉 天上許飛瓊吹下蓉笙染玉塵可
惜素鸞留不得更深誤剪燈花斷了心

八六子

次篔房韻

乍鷗邊一番腴綠流紅又怨蘋花看晚吹約晴歸路夕
陽分落漁家輕雲半遮 縈情芳草無涯還報舞香一
曲玉瓢幾許春華正細柳青烟舊時芳陌小桃朱戶去
年人面誰知此日重來繫馬東風淡墨敲鴉暗窻紗人
歸綠陰自斜

祝英臺近 次貧房韻

采芳蘋縈去。鷓歸步翠微。雨柳色如波。縈恨滿烟浦。東君若是多情未。應花老心已在。綠成陰處。困無語。柔被褰損梨雲。閒修牡丹譜。妬粉爭香。雙燕為誰舞。年年紅紫如塵。五橋流水知送了。幾番愁去。

劉 瀾

字養源 號江邨

瀛奎律髓注劉瀾天台人嘗為道士還俗學唐詩有所悟千謁無成丙子年卒

梅磭詩話天台劉瀾以詩遊江湖後村西澗二公嘗跋其吟稿集中有桐江曉泊詩云風蕭蕭水瑟瑟淡烟空濛冠朝日灘頭古木如書出鸛鶴飛來添一筆又登昭亭一聯云東風半綠官圩草西日遙紅別岸山皆警策可喜

按蘋洲漁笛譜有再和劉養源六么令明月引諸詞

慶宮春

重登蛾眉亭感舊

見絕妙好詞

春翦綠波日明金渚鏡光盡浸寒碧喜溢雙蛾迎風一笑兩情依舊脉脉那時同醉錦袍濕烏紗敲側英游何在滿目青山飛下孤白片帆誰上天門我亦明朝是天門客平生高興青蓮一葉從此飄然八極磯頭綠樹見白馬書生破敵百年前事欲問東風酒醒長笛

瑞鶴仙

海棠

向陽看未足更露立欄杆日高人獨江空珮鳴玉問烟鬢霞臉為誰膏沐情閒景淑嫁東風無媒自卜鳳臺高

言系不道卷一
貪伴吹笙驚下九天霜鶴 紅蹙花開不到杜老溪莊
已公茅屋山城水國歡易斷夢難續記年時馬上人酣
花醉樂奏開元舊曲夜歸來駕錦漫天絳紗萬燭

齊天樂 吳興郡宴遇舊人

玉釵分向金華後 回頭路迷仙苑落翠驚風流紅逐水
誰信人間重見花深半面尚歌得新詞柳家三變綠葉
陰陰可憐不似那時看 劉郎今度更老雅懷都不到
書帶題扇花信風高茗溪月冷明日雲帆天遠塵緣較
短怪一夢輕回酒闌歌散別鶴驚心感時花淚濺

買陂塘 游天台鴈宕東湖 見浩然齋雅談

御風來翠鄉深處連天雲錦平遠臥游已動篷舟與那
在芙蓉城畔巾幘岸任壓頂嵯峨滿鬢絲零亂飛吟谷
殿載十丈青青隨波弄粉菰雨淚如霰 斜陽外也有
仙妝半面無言應對花怨西湖千頃腥塵暗更憶鑑湖
一片何日見試折藕占絲絲與腸俱斷遐征漸勸當賴
尾湖頭綠波彩筆相伴老坡健 周公謹云此養源絕筆也

趙與洽 字景周號蕙庵太祖十世孫秦
王德芳之後見宋宗室世系表
摸魚兒 梅 見陽春白雪

甚幽人被花勾引庭臯遙夜來去江空歲晚誰爲伴只
有瓊枝玉樹愁絕處望萬里瑤臺夢斷迷歸路花還解

語更雪琢精神水相韻度粉黛盡如土 飄仙袂曾綴
蕊珠鴛鴦雲茵月障千步莫教衣袖天香冷恐怨美人
遲暮更起舞任斗轉參橫翠羽曾知否塵緣自誤終待
與驂鸞乘風共去長作此花主

江城梅花引

單衾寒引畫籠聲雨初晴月微明竹外溪邊低見一枝
橫淡月疎花三四點春尚淺早相看似有情 夜來袖
冷暗香凝恨半銷酒半醒靚妝照影未收整雪艷冰清
只恐不禁愁絕易飄零待得南樓三弄徹君試看比從
前更瘦生

万俟紹之

字子紹邛人万俟高曾孫有邛莊吟藁

方洪邛莊吟藁序邛人万俟子紹相家子也
力學好修寓居琴川嘗登柳齋先生節惠王
公門見聞卓犖故其文宏以肆負西北鯁亮
氣不隨衆靡故其詩清以嚴兩上春官人期
之與自期不薄也居亡何疾而卒

蝶戀花 春風

啼鳩一聲雲榭晚好夢驚回蓬島疑行遍無緒東風簾
自捲香苞雲壓茶蘼院 似有還無烟色展絮暖魚肥
時復吹池面扇影著花蜂蝶見藥闌春靜紅塵遠

風入松

一春心事與誰同綠聚眉峯小樓徹夜聽鳴雨想西園

詞苑補遺卷十二
錦繡成空欄漾金魚池水鈎閒紫燕簾風年時忻折
海棠紅來比芳容如今玉減香銷似怕輕寒懶出房櫳
塵滿謝娘吟卷從教飛絮濛濛

賀新郎 秣陵懷古

決皆入飛鳥正江南梅雨初晴亂山浮曉鳳去臺空簫
聲斷惟有疎林鴉噪但空鎖吳時花草指點中原青山
外奈征塵迷望愁雲繞佳麗地漫凝眺清風助我舒
長嘯問其中虛簾曲檻閱人多少風景不殊江山在况
是英雄未老且拚與尊前一笑欲說前朝興亡事喚謫
仙來共傳清醪歸路晚月明照

張紹文

字庶成
南徐人

水龍吟

春晚

見江湖後集

日遲風軟花香困人天氣情懷懶牡丹謝了酴醿開後
紅稀綠暗慵下妝樓倦臨鸞鏡粉輕脂淡歎韶華迤邐
將春歸去沈思處空腸斷長是愁蛾不展話春心只
憑雙燕良辰美景可堪虛負登臨心眼雁杳魚沉信音
難託水遙山遠但無言倚徧闌干十二對芳天晚

壺中天

爲兄風雲水月主人壽

丹臺仙伯馳縱跡當年瓊樓金闕底事來遊人世界爲
愛風雲水月結屋南園境隨人勝不是溪山別今朝初

度碧蓮千頃齊發 况是鴛侶新諧鳳雛纔長占人間
歡悅且盡壺天今夕醉聽取妙歌千闕待得西風鷓書
飛上更復青氈物名成歸去赤松還伴高潔

酹江月 淮城感興

舉杯呼月問神京何在淮山隱隱撫劔頻看勲業事惟
有孤忠挺挺宮闕腥羶衣冠淪沒天地憑誰整一杯棊
壞救時着數宜緊 雖是幕府文書玉關烽火暫送平
安信滿地干戈猶未戢畢竟中原誰定便欲凌空飄然
直上拂拭山河影倚風長嘯夜深霜露凄冷

沁園春

為叔父雲溪主人壽

數遍時賢誰似雲溪未老得閒自抽身州縣歸休舊隱
灰心名利跳出塵寰卸却朝衣笑拈拄杖日在花陰竹
徑間身輕健任高眠晏起渴飲飢餐 垂弧猛省當年
且約住春風開壽筵况園亭池館新奇佳麗弟兄子姪
歌笑團團綠鬢朱顏綸巾羽扇做個人間長壽仙霞觴
舉願年年今日長對南山

史衛卿

鄞人

案宋史彌鞏之孫蒙卿著書立言一以朱子
為法又史唐卿與兄蒙卿同登咸淳元年進
士則衛卿亦蒙卿兄弟行也

柳梢青

見江湖後集

言終補遺卷十一
萼綠華身小桃花扇安石榴裙子野聞歌周郎顧曲誰
惱夫君悠悠羈旅愁人似零落青天斷雲何處銷魂
初三夜月第四橋春

黃中

號澹翁

李薺翦綃集送黃中入吳門詩曰行到鱸魚
鄉裏時一宮花渚漾漣漪看春又過清明節
更把愁心說向誰
施樞芸隱橫舟橐開鑪次夕以不禁離抱來
訪宏庵挑燈細語滿促忘歸卽事有賦時黃
澹翁在焉客裏情懷不自如夜深來訪子雲
呂挑燈細按新翻曲拂案同看架上書梧葉
敲風葢砌冷菊香消雨鶴庭虛相逢且與開
眉笑暮遣吟邊酒瓊疎

瑞鶴仙

用陸淞韻

見陽春白雪

睡餘拋倦枕憶篆鼎香銷起來慵整晴光破清冷正柳
黃梅淡染金勻粉茶甌隽永試經行桐花舊井記前回
未緣鴛波近日燕芹青盡因省春風如舊人面何歸
對時傷景樓高望迴潮有信雁無準任相如多病沈郎
全瘦都沒音塵寄問便做無阿鵲頻頻可能睡穩

蘇茂一

字才叔號竹里

鄒登龍梅屋吟和竹里蘇才叔見梅懷友韻
云徘徊江路側何以慰相思陽彩來寒樹貞
姿倚莫籬飄零懷遠道遼索負芳時佇立幽
吟苦餘懷將訴誰

鎖窻寒

重遊東湖

見陽春白雪

雲浦蒼寒烟堤翳翠舊痕新漲春愁十里冉冉碧絲搖

蕩記登臨少年思高唾壺擊玉歌清壯到如今夢裏秋
風鴻陣晚波漁唱惆悵重來處望盡畫舫天邊響絲原
上山陰秀句付與一聲雲響正東湖誰家柳下午陰漠
漠人蕩槳最堪憐白髮周郎爲江山自賞

點絳脣

翠竹藏烟杏紅流水歸何處透簾穿戶更灑黃昏雨

織錦題書誰寄愁情去渾無緒綠楊千縷不似真眉嫵

祝英臺近

結垂楊臨廣陌分袂唱陽關穩上征鞍目極萬重山歸
鴻若到伊行丁寧須記寫一封書報平安漸春殘是

他紅褪香收綃淚點斑斑枕上盟言都作夢中看銷魂

啼鴉聲中楊花飛處斜陽下愁倚闌干

按詞律祝英臺近只收夢窻一

調此獨用平宋詞中不多見也存之以備一體

丁默字無隱號書塢

齊天樂重游鄱陽 見陽春白雪

兩株烟柳荒城外依依暮帆曾駐小扇障塵輕輿帖岸
誰料重行吟處流光暗度悵蘭激春移葦汀秋聚可奈
清愁快呼艇子載將去 中年懷抱易感甚風花水葉
猶似孤旅伴宦幽期隨鶯樂事還是情乖意負衣塵帽
土但杜鏡堪羞賀囊徧富待報山靈莫教雲壑妬

華胥引

論交眉語惜別心啼費情不少蕙渺溱期蘋深汜約輕
誤了幾度金鑄相思又燕歸鴻杳誰料如今被鶯閑占
春早頻把愁勾惜鴉雲嬌紅猶遶渾拚如夢爭奈枕
醒屏曉欲寄芙蓉香半握怕不禁秋惱除是親逢片帆
雙度天杪

齊天樂

庚戌元夕都下遇趙立之

倦雲休雨風還作交相醒花蘇柳字滿吟灰痕添坐席
贏得新愁癡守歸期未有負小院移蘭故園嘗非謾道
春來沈腰惟覺似秋瘦燒燈時候是也楚津留野艇

曾趁芳友問月賒晴憑春買夜明月添香解酒口知別
久悵帝陌論心客塵侵首戲鼓聲中舊情猶在否

姚勉

字述之一字成一高安人寶祐元年廷對第
一除校書郎兼太子舍人有雪坡詞一卷
四庫全書總目姚勉登第後上疏請讓其師
樂雷發理宗詔親試對選舉八事賜特科第

一人

霜天曉角

湖上泛月歸

秋懷軒豁痛飲天機發世界只如掌大筭只有醉鄉濶
烟抹山態活雨晴波面滑艇子慢搖歸去莫攪碎一

湖月

柳梢青

憶西湖

長記西湖水光山色濃淡相宜豐樂樓前湧金門外買
个船兒而今又是春時清夢只孤山賦詩綠蓋夫容
青絲楊柳好在蘇堤

賀新郎

憶別

薄晚收殘暑歎西風暗換流年又還如許鴉背斜陽初
斂影雲淡新涼天宇人袖手闌干凝佇隣笛喚將鄉思
動聽愁聲又入梧桐雨秋到也尙羈旅故人只在江
南渚相應嫌久戀東華軟紅塵土寄遠裁衣知念否新
月家家砧杵魂夢想鵝黃金縷雁影不來天更遠寫書
成欲寄憑誰與知客恨兩蛩語

又

窻月梅花白夜堂深燭搖紅影繡簾垂額半醉金釵嬌
映坐寒處也留春色深意在四弦輕摘香塢花行聽啄
木翠微邊細落仙人屐星盼轉趨嬌拍人間此手真
難得向樽前相逢有分底須相識愁淺恩深千萬意惆
悵故人雲隔怕立損弓鞋紅窄換取明珠知肯否綠窻
深長共春憐惜休惱亂坐中客

妓喚惜善琵琶程秋幹席上作

陳著

字子微號本堂鄞縣人寶祐四年進士官著作郎出知嘉興府忤賈似道改臨安通判有

本堂集九十

二卷詞二卷

延祐四明志載陳著題勝國院詩云轉路便幽深曾來不用尋寺依仙石脚僧識老岩心

言終補遺卷十二
是處鬼無墓此山松自林滔滔未涯事分付
一蟬吟

惜分飛 吳氏館寄內董氏

築壘愁城書一紙雁雁兒將不起好去西風裏到家分
付顰眉底 落日闌干羞獨倚十里江山萬里容易成
憔悴惟歸來還是歸去是

按詞律載此調五十字今未
句多一字當是又一體

霜天曉角 丙寅十一月十七日江行作

江寒雁咽短棹還催發曾是玉堂仙伯相別處滿篷雪
此別那堪說遡風空淚血惟有梅花依舊香不斷夜
來月

又 丙寅十一月十一日阮橋風雨有題此曲前一
段與今日情味同因錄於此

一聲阿鵲人在雲西角信有黃昏風雨孤燈酒不禁酌
錯錯誰誤着明知明做却頗寄香箋歸去教看了細
揉嚼

卜筭子 嘲二十八兄

風急雁聲高露冷蛩吟切枕剩衾寒不耐煩長是傷離
別 望得眼兒穿贏得心兒熱且喜重陽節又來黃菊
花先發

如夢令 西湖道中

家在明山南住身在明山西路回首碧雲天自笑不如
飛鷺飛去飛去飛入明山深處

鷓鴣天

和黃虛谷石榴韻

看了山中薜荔衣，手將安石種分移。
花鮮絢日猩紅妒，葉密乘風翠羽飛。
新結子，老垂枝，老來眼底轉多宜。
齒牙不入甜時樣，醋了何妨薦酒卮。

摸魚兒

壽虛谷

竹洲西有人如玉

一作玉手探取冰胸次

南柯一覺歸早，青山綠

水亭軒舊，猶有未荒花草。誰信道，又自愛湖光

一作還自要問

郭裏尋梅

買屋三間小，都無長好。但鳳躍雄文，蠅書小楷，轉

老轉奇妙

人間世如許，年高似少。浮生惟有間，好回

頭翻訝，礮溪叟輕把一絲拋了。涼乍到，記當日天香露

浴如今老，瑤卮壽曉稱酒到。眉間醺醺醉也，兒女滿前笑。

又

隨湖南安撫隨德修自長沙回至魯港值其生日

碧油幢一開藩，後便思量早歸去。工夫着緊，新城好風，月萬家笙鼓。遊晏處，要管領春光，補種花無數。何須更駐，只畫了瀟湘扁舟，輕發揮手謝南楚。江帆細撐入，清溪綠樹，家山三兩程路。安排小馬，追隨猿雀，勾引詩朋酒侶。瀟洒處，是則是初心，只恐難留駐。忙須着句，把泉石烟霞，平章一遍。回首鳳綸舞。
按詞律歐陽公作一百十七字句法，與此互異，當是又一體。萬氏失載。

洞仙歌

次韻蘇子瞻

冰肌玉骨自清涼無汗午夢醒來貯嬌滿扇輕拈又放
 淺炷蘭薰微笑處吹著烟絲散亂 涼亭還獨步曾是
 憑闌携手心盟指雲漢碧海信沈沈望絕魚箋腸欲斷
 千回萬轉謾竚立無言對荷花看轉眼秋風翠移紅換
 羅椅字子遠號澗谷廬陵人寶祐四年進士以秉
 義郎為江陵教官改潭州復知贛信豐縣遷
提轄權貨度宗升
 退失於入臨論罷
 按齊東野語記羅澗谷當道學盛時依託求
 進道學勢衰之後遂棄去不相聞問其行事
 誠不足取又明偶桓選元人詩為乾坤清氣
 集有澗谷謝幼輿折齒歌一首蓋其人入元
 尚在也

更漏子

見陽春白雪

晚潮生涼月細一抹遠山無蒂收越棹起吳檣人間何
 限忙 石頭城西北角杳杳天低鶻落渾不似此波光
 清歌催夕陽

清平樂

明虹收雨兩漿能吳語人在江南荷葉浦採得蘋花無
 數 夢中舞燕棲鸞起來烟渚風灣一點愁眉天末憑
 誰剗却春山

八聲甘州

孤山寒食

甚匆匆歲月又人家插柳記清明正南北高峰山傳笑

響水泛簫聲吹散樓臺烟雨鶯語諱春晴何所無芳草
惟此青青誰管孤山山下任種梅月冷薦菊泉清看
人情如此沉醉不須醒問何時樊川歸去歎故鄉七十
五長亭君知否澗雲溪竹笑我飄零

李振祖

號中山
閩縣人

寶祐四年登科錄第四甲第十三人李振祖
字起翁第萬一慈侍下年四十六二月丁酉
日丑時生外氏趙一舉娶劉氏曾祖簡能御
史祖蛟承義郎父寧本貫福州閩縣祖爲戶

浪淘沙

見絕妙好詞

春在畫橋西畫舫輕移粉香何處度漣漪認得一船楊
柳外簾影垂垂誰倚碧闌低酒暈雙眉宛央並浴燕

交飛一片間情春水隔斜日人歸

李會伯

字長孺號可齋覃懷人寓居嘉興寶祐中進
士通判濠州歷官湖南安撫使進觀文殿學
士又知慶元府兼沿海
制置使有可齋類藁

點絳脣

餞陳次賈

嬾上危樓楚江一望天無際漫游萍記莫挽東流水
一片秋光直到山陰里人還記戍邊歸未更憶鱸魚美

齊天樂

和陳次賈爲壽

今年塞上秋來早昴街尙餘芒耀舉目關河驚心弧矢
顧我豈堪戎纛幾番鳳誥愧保障何功恩隆旒藻笑指
呼鷹露花烟草憶劉表頭顱如許相與歲寒猶賴有

白髮公道對月懷人臨風訪古往事淒涼難考何時是

了莫馳志伊吾貪名清廟松菊歸來稽山招此老按可齋類

稟仲宣樓記云按江陵志樓名昉於祥符復於紹興淳祐十年賈公似道為制置使重新是樓夏六月易鎮全

淮覃懷李某繼之如前畫越牛券告成蜡月二十有五

日爰集賓校置酒而落之此詞正作於樓成之日也

陳策字次賈號南墅上虞人以功授武階摸魚兒仲宣樓賦見絕妙好詞

倚危梯酌春懷古輕寒纔轉花信江城望極多愁思前

事惱人方寸湖海興筭合付元龍舉白澆談吻憑高試

問問舊日王郎依劉有地何事賦幽憤沙頭路休記

家山遠近賓鴻一去無信滄波渺渺空歸夢門外北風

淒緊烏帽整便做得功名難綠星星髻敲金未穩又白

鷺飛來垂楊自舞誰與寄離恨

滿江紅楊花

倦繡人閒恨春去淺顰輕掠章臺路雪黏飛燕帶芹穿

幕委地身如遊子倦隨風命似佳人薄歎此花飛後更

無花情懷惡心下事誰堪托憐老大傷飄泊把前回

離恨暗中描摸又趁扁舟低欲去可憐世事今非昨看

等閒飛過女牆來秋千索

趙潛字元晉號水壺潭州人忠靖公葵子咸淳中沿江制置使知建康府

三朝政要廣王登極於福州改元景炎以趙潛為江西制置使

蔣子正山房隨筆云趙靜齋淮被執死於瓜洲其兄水壺潛自京口遷金陵北兵至棄家而逃南徙不返死葬海旁山上

臨江仙 西湖春泛 見絕妙好詞

隄曲朱牆近遠山明碧瓦高低好風二十四花期驕驄穿柳去文鵲挾春飛 簫鼓晴雷殷殷笑歌香霧霏霏 間情不受酒禁持斷腸無立處斜日欲歸時

吳山青 水仙

金璞明玉璞明小小杯拌翠袖擎滿將春色盛 仙珮鳴玉珮鳴雪月中過洞庭此時人獨清

葉 閩號直庵

按吳錫疇蘭皋集載咸淳間南康守葉閩聘主白鹿洞書院不赴是閩於度宗時曾官江右惜其籍貫無考

摸魚兒 見陽春白雪

倚薰風晝闌亭午采蓮柔艣如語紅裙濺水鴛鴦濕幾度雲朝雨暮遊冶處最好是小橋芳樹尋幽趣繡簾低護任涼入霜紈月侵水篔簹長夏等閑度 都如夢悵望遊仙舊侶遺踪今在何許愁余渺渺瀟湘浦檻竹空敲朱戶黯無緒念多情文園曾草長門賦酒酣自舞笑滿袖緇塵數莖霜鬢羞煞照溪鷺

廖瑩中

字羣玉號荊洲邵武人登第後爲賈似道客嘗爲大府丞知某州皆不就

齊東野語賈師憲當國日臥治湖山作堂曰
半閒又治圃曰養樂然名爲就養其實怙權
固位欲罷不能也每歲八月八日生辰四方
善頌者以數千計悉俾翹館膳考以第甲乙
一時傳誦爲之紙貴然皆諂詞藝語也廖瑩
中趙從橐郭居安詞云云

木蘭花慢 壽賈師憲

請諸君著眼來看我福華編記江上秋風鯨鯨漲雪雁
微迷烟一時幾多人物只我公隻手護山川爭睹階符
瑞象又扶紅日中天 因懷下走奉囊韃磨盾夜無眠
知重開宇宙活人萬萬合壽千千鳧鷖太平世也要東
還赴上是何年消得清時鐘鼓不妨平地神仙

趙從橐

陂塘柳 前題

指庭前翠雲金雨霏霏香滿仙宇一清透徹渾無底秋
水也無流處君試數此樣襟懷頓得乾坤住閒情爾許
聽萬物氤氳從來形色每向靜中覩 琪花路相接西
池壽母年年弦月時序荷衣菊珮尋常事分付兩山容
與天證取此老平生可向青天語瑤卮緩舉要見我何
心西湖萬頃來去自鷗鷺

郭居安 字應西

黃震古今紀要逸編賈似道始生之日錢塘
宰郭應西以詞賀之云云賈甚稱賞遂除官
告院既而語客曰此詞固佳安得有著綵衣
周公乎三月三蓋頌庚申歲草坪之捷歸舟

乃舫齋名也

聲聲慢

前題

捷書連晝甘灑通宵新來喜沁堯眉許大擔當人間佛
力須彌年年八月八日長記他三月三時平生事想祇
和天語不遣人知一片閒心鶴外被乾坤繫定虹玉
腰圍闐闐雲邊西風萬籟吹齊歸舟更歸何處是天教
家在蘇堤千千歲比周公多箇彩衣

李重元

憶王孫

揚慎詞林萬選云元人北曲一半兒卽是此調

萋萋芳草憶王孫柳外樓高空斷魂杜宇聲聲不忍聞
欲黃昏雨打梨花深閉門

李次山

佩文齋書畫譜宋人李次山工山林人物

浣溪沙

見陽春白雪

花圃紫圓曲徑通小亭風捲繡簾重秋千閑倚畫橋東
雙蝶舞餘紅面旋交鶯啼處綠葱蘢遠山眉黛晚來
濃

詞綜補遺卷十二

詞綜補遺卷十三

宋詞六十八首

歐良 十三首

趙必瓊 一首

梁棟 二首

黎廷瑞 十四首

陳紀 一首

徐瑞 一首

黃鑄 二首

蕭元之 三首

鄭斗煥 一首

葉士則 一首

李好古 七首

方君遇 一首

曹良史 一首

吳大有 一首

長洲 陶樑 緝

胡仲弓 一首

李宏模 一首

張桂 二首

劉天游 一首

楊韶父 三首

卓田 二首

鄭夢協 一首

王曼之 一首

趙時奚 四首

趙時行 一首

趙崇霄 一首

趙必岳 一首

歐

良

字聖弼盱江人三貢於鄉景定三年進士官江淮坑冶司幹官有撫掌詞一卷隱居通議聖弼文典實莊重嘗為樞密包道夫作進周禮六官辨表范去非謂余曰聖弼作此極有手段憑虛駕空自成一片法非與聖弼交情不孚而當時公論如此

長相思

不思量又思量一點寒燈耿夜光鴛衾閒半牀 雨聲

長漏聲長幾陣斜風搖紙窗如何不斷腸

又

雲垂垂雨霏霏祇恐今年花事遲不然孤負伊 燕飛

飛柳依依有箇人人傍翠屏愁橫雙黛眉

又

雨如絲柳如絲織出春來一段奇鶯梭來往飛 酒如

池醉如泥遮莫教人有醒時雨晴都不知

又

燕來雙蝶來雙飛去飛來楊柳旁問伊因底忙 綠紗

窗篆爐香午夢驚回書滿牀
碁聲春晝長
風光好
孤村橋斷

柳陰陰水沉沉風約雙鳧立
不禁碧波心
人迷路舟橫渡旋買村醪
淺淺斟更微吟

愁倚欄令

東風惡宿雲凝忒無情
合造梨花深院雨斷腸聲
枕

上春夢初醒紅窗外何處啼鶯已
辦春游雙畫舫幾時
晴

采桑子

年年纔到花時候風雨經旬不肯開
晴悞却尋花陌上

人今輟報道天晴也花已成塵
寄語花神何似當年
莫做春

更漏子

畫樓深春晝永簾幙東風微冷
鶯囀罷燕歸來佳人午
夢回
髻釵橫眉黛淺一捻楚腰纖軟
推綉戶倚雕闌
無言看牡丹

又

髻慵梳眉懶畫獨自行來花下
情脈脈淚垂垂此情知
為誰
雨初晴簾半捲兩兩銜泥新
燕人比燕不成雙
枉教人斷腸

六剪梅

漠漠春陰酒半酣風透春衫雨透春衫人家蠶事欲眠
三桑滿筐籃柘滿筐籃先自離懷百不堪
梁燕呢喃篝燈強把錦書看人在江南心在江南

壺中天

日長晴晝厭厭地懶向牕前綉困倚屏風無意緒把
眉兒雙皺似醉還醒纔眠又起頻撚花枝嗅看他兒女
閒尋百草來鬪相思能幾何時料歸期不到有恁口
候生怕鴛鴦香被冷旋蕤沉檀熏透欲把單衣鼎新裁
剪又怕伊春瘦試看今夜孤燈還有花否

瑞鶴仙

和李梅南

賞殘陶徑菊正嫋嫋愁子風淒露肅何人抱幽獨更檐
馬鏘金廊魚響木此情誰屬向底處騁懷遊目小窗前
頻覽菱花一笑髻絲猶綠蕭索故國雲迷佳人日暮
輕輦倚竹短釵敲玉算幾夜恁孤宿問旅情如許怎生
排遣應費酒尊詩軸最無端誰隔西樓正調絃促

摸魚兒

和李玉田韻

喜西風朝來如約新涼一雨初霽家山望斷知何處渺
渺長天秋水空眼底歎雁杳魚沉尺紙無人寄芸窗草
砌漸影顛疎桐聲敲落葉孤枕怎成睡逢場戲遮莫

怨秋憔悴今朝有酒須醉尊前待喚佳人道爲雪藕絲
輕脆閒省記便笑口頻開一歲知能幾歸期尙未且蠟
屐蘭橈湖山深處同賞月中桂

趙必璩

字玉淵號秋曉太宗十世孫家東莞咸淳元
年與父崇誦同登進士任南康縣丞文信國
開府惠州辟攝軍事判官入元
隱温塘村有覆瓿長短句二卷

宴清都

舟中思家用美成韻

見歷代詩餘

遠遠漁村鼓斜陽外賓鴻三兩飛度茅簷春小白雲隱
几青山當戶騷人底事飄蓬渾忘却耕徒釣侶何時尋
斗酒江鱸悠悠千古重賦 風流種柳淵明折腰五斗
身爲名若有秫田二頃菊松三徑不如歸去山靈休勒

俗駕容我卧草堂深處問故園怨鶴啼猿今無恙否

梁棟

字隆吉其先湘州人生於鄂州後遷鎮江咸
淳四年進士選寶應簿調錢唐仁和尉入帥
幕旋避地建上歸武林
晚依弟柱於茅山以終

孔行素至正直記遺編宋末士人梁隆吉有
詩名一日登大茅峰題壁有黃冠詠於句容

縣以爲訕謗朝廷行省聞之都省收梁於獄
禮部免罪放還其詩云杖藜絕頂窮追尋青

山世路爭嶇嶽碧雲遮斷天外眼春風吹老
人間心大龍上天寶劍化小龍入海明珠沉

無人更守元帝鼎有客欲問秦皇金巖崖誰
念受辛苦古洞未易潛幽深神光不破幽暗

惱山鬼空作離騷吟我來俯仰一慷慨山川
良昔人民今安得長松撐日月華陽世界收

層陰長嘯一聲下山去草木爲我留清音
按無名氏宋遺民錄自王鼎翁至林景曦凡

十一人隆吉預焉其詩詞附見集中隆吉有
贈嘉興徐同年詩云憶昔青龍在戊辰馬蹄

同踏杏園春歸田令尹空書晉執戟郎君盡
美新萬事不醒中酒聖一貧無奈訟錢神相
逢莫效窮途泣自古求仁要得仁蓋作於易
代之後其志節固皜然不滓也

念奴嬌

春夢

見宋遺民錄

一場春夢待從頭說與傍人聽著罨畫溪山紅錦障舞
燕歌鶯臺閣碧海傾春黃金買夜猶道看承薄雕香剪
玉今生今世盟約須信歡樂過情閑嗔冷妬一陣東
風惡韻白嬌紅消瘦盡江北江南零落骨朽心存恩深
緣淺忍把羅衣着蓬萊何處雲濤天際冥漠

摸魚兒

登鳳凰臺

枕寒流碧縈衣帶高臺平與雲倚燕來鶯去誰為主磨

滅謫仙吟句愁思裏待說與山靈還又羞拈起簫韶已
矣甚竹實風摧桐陰雨瘦景物變新麗江山在認得
劉郎阿寄年來聲譽休廢英雄不博胭脂井誰念故人
衰悴時有幾便鳳去臺空莫厭頻游此興亡過耳任北
雪迷空東風換綠都付夢和醉

黎廷瑞

字祥仲鄱陽人咸淳七年進士官肇慶府司
法參軍入元隱居不仕有芳洲集三卷詞附
按史簡編鄱陽五家集十五卷有廷瑞芳洲
集及元人吳存樂庵遺稿其間附見詩餘今
並採錄

蝶戀花

元日

密炬瑤霞光鷓酒翠栢紅椒細剪青絲韭且勸金尊千

萬壽年時芳夢休回首
小雨輕風寒滿袖下却簾兒
莫遣梅花瘦萬點鵝黃春色透玉簫吹上江南柳

八聲甘州 金陵

恨巨靈多事鑿長江銷沉幾英雄恨烏江亭長天機輕
洩說與重瞳更恨南陽耕叟攬撥紫髯翁一彈金陵土
戰虎爭龍 杯酒鳳凰臺上對石城流水鍾阜諸峰間
六朝陵闕何處是遺蹤後庭花更無留響渺春潮殘照
笛聲中悲歡夢蕪城楊柳幾度春風

南鄉子 烏衣園

醉罷黑瑤池渺渺春雲海嶠歸晝棟珠簾來昨夢誰知
百姓人家幾度非 相對語斜暉腸斷江城柳絮飛再
見玉郎應不認堪悲也被緇塵染素衣

清平樂 舒州

秋懷騷屑卧聽蕭蕭葉四壁寒蛩吟不歇舊恨新愁都
說 疎疎雨打棲鴉月痕猶在窗紗一夜西風偏緊明
朝瘦也黃花

浪淘沙

別易見時難萬水千山參商煙樹暮雲間料想鳳凰城
裏夢夜夜歸鞍 楊柳小樓間倚遍闌干東風剪剪雨
珊珊落盡桃花無可落只管春寒

浣溪沙

一曲離愁淺黛顰雲帆渺渺下煙津山長水遠客愁新
柳絮低迷迷千里夢桃花蕩漾一江春小樓疎雨可憐
人

祝英臺近

綵雲空香雨霽一夢千年事碧幌如煙却扇試新睡恁
時楊柳闌干芙蓉池館還只似如今天氣遠山翠空
相思淡掃修眉盈盈照秋水落日西風借問雁來未只
愁雁到來時又無消息只落得一番憔悴

少年游

乙未中秋後二日同范見心李思宣飲百花洲上待月魯公亭呼月礪禪師不應放

棹東湖夜色皎然見心用龍洲少年游韻賦詞因次韻

回棹百花洲迢迢碧玉流聽笛聲何處高樓如此江山
如此客雖有酒奈何秋呼月出雲頭問渠能飲否笑
人間原自無愁可惜月翁呼不出呼得出載同遊

朝中措

送春

游絲千萬暖風柔只繫得春愁恨煞啼鶯勾引孤他燕
語攀留縱然留住香紅吹盡春也堪羞去去不堪回
首斜陽一點西樓

眼兒媚

寓城思歸竹庵留行賦呈

暖雲挾雨洗香埃剗地峭寒催燕兒知否鶯兒知否

詞綜補遺卷十三
勾春回 小樓日日重簾捲應是把人猜杏花如許桃花如許不見歸來

訴衷情 濡溪悼舊

曲屏深院赴幽期心事夢雲知珮環零亂何處江上草離離 日平西天似幕月如眉依稀還記兩岸楊花送上船時

水龍吟 九日登城

荒城落日西風滿街芳草無行路樓臺羽化螢飛故苑蛩吟殘礎不減承平半湖秋月隔溪煙樹慨江南風景一朝如許教人恨王夷甫 對酒強推愁去酒醒來愁還如故青萍三尺陰符一卷土花塵蠹試問黃花花知余否沉吟無語拍闌干空羨平沙落雁滄波歸鷺

清平樂 雨中春懷呈準軒

清明寒食過了空相憶千里音書無處覓渺渺亂蕪搖碧 蒼天雨細風斜小樓燕子誰家只道春寒都盡一分猶在桐花

秦樓月 落梅

幽香歇玉龍吹徹花如雪花如雪小橋流水不勝愁絕橫梢翦入生綃墨翠陰青子盈盈結盈盈結淡煙微雨江南三月

詞綜補遺卷十三
九
陳紀

咸淳進士

賀新郎

聽琵琶

見歷代詩餘

趁拍哀絃促聽泠泠絃間細語手間推覆鶯語間關花
底滑急雨斜穿梧竹又澗底松風簌簌鐵撥鷓絃春夜
永對金釵鍾乳人如玉敲象板剪銀燭六幺聲斷涼
州續悵梅花歲晚天寒佳人空谷有限絃聲無限意淪
落天涯幽獨頓喚起閒愁千斛賀老定場無處問到如
今只鼓昭君曲呼羯鼓瀉醪醪

徐

瑞

字山玉號松巢鄱陽人咸淳間應舉不第後推爲本邑書院山長有松巢集三卷詞附

點絳脣

多事春風年年綠遍江南草羅裙色好莫把相如惱
夢入瑤臺搔背麻姑爪還驚覺杜鵑啼早一夜相思老

黃

鑄

字亦顏一作晞顏號乙山邵武人官柳州守

黃敏求橫舟小菴詠黃乙山於壽寧亭云客中聽雨况僧寮盡日無人訪寂寥一枕秋聲供痛快隔窗風裏有芭蕉草草茆亭古木間萬琅玕裏一禪關秋陰祗俟風收盡分我浮生半日間

秋蘂香令

見陽春白雪

花外數聲風定烟際一痕月淨水晶屏小敲醉枕院靜
鳴蛩相應香消斜掩青銅鏡背燈影寒砧夜半和鴈
陣秋在劉郎綠髻

小重山

涼入秋欄雨意長竹深啼絡緯響虛堂一枝燈影耿昏黃
疎簾外風度木樨香心事易成傷燕支坡下路語
如簧定仙螺子玉釵梁鴛屏夢應到舊韋郎

蕭元之

字體仁號鶴臯臨江人有鶴臯小藁

按江湖後集載鶴臯送郡丞張宗丞云傾家市鞍馬損命犯風塵幕府差功級京華困旅貧又塞馬歌答楊侍郎云我有百發落鴈鉞前年引滿射赤眉功成萬死不見賞歸騎驢子吟楚詞蓋曾宣力戎行論功幕府爲人所抑而不竟其用又行子云行子家何處征帆楚岸開聞德音入蜀云才退慙司馬無因寫檄文則嘗由楚入蜀還西里所居云長恐山林計未成可能俯仰羨公卿鶴閒不受雲拘束梅冷惟堪雪主盟北闕無書休悔出東臯

有稭可歸畊鏡容漸改驚非昔獨喜傍人喚後生則歸里時年尙未老其蹤跡可以考見也

渡江雲

和清真

見陽春白雪

流蘇垂翠幃高低一色紅紫等泥沙香山居士老柳枝
桃葉飛梗屬誰家好音過耳任啼鳥怨入芳華心情嬾
筆牀吟卷醉墨戲翻鴉堪嗟雕弓快馬勅勒追蹤向
夕陽坡下休更憶青絲絡轡紅袖裁紗司空見慣渾如
夢笑幾回索葦吹葭山中樂從渠恣賞鶯花

菩薩蠻

斷紅流水香難覓行雲一去無蹤跡楊柳漫遮闌閑愁

付遠山玉笋彈未了倚柱人空老青子摘來酸酸心
有幾般

水龍吟 答沈莊可

人生何必求名身閑便是名高處卧雲衣袂何因自染
修塗塵土世路羊腸人情狙賦翻雲覆雨把從前舊夢
倚闌重省休更錯添牋注况是吾廬江上也抵得封
侯千戶高眠閒聽隣舟漁唱倚闌農語休望當年溪邊
俱載隆中三顧怕羣鷗微覺見人欲起背人飛去

鄭斗煥

字丙文
號松窗

洞霄詩集鄭斗煥陪秋山相公遊大滌洞天
一庵夜宿感夢云天柱清游尾使星筍輿軋

輒人山深龍行雨去泉花定鶴叫雲來木葉
陰松石已安通夕寐江湖空老百年心圓冠
方袂何仙子夢裏將詩索共吟

新荷葉

見絕妙好詞

乳鴨池塘晴波漾綠鱗鱗宿藕根香夏來生意還新
錢小鈿花貼翠相間萍星一番雨過一番暗展圓青
魚戲龜游看來猶未勝情因憶年時垂釣曾約輕盈玉
人何處關情是半捲芳心簾風一棹鴛鴦催起歌聲

葉士則

號漁村

按鍊網珊瑚載士則跋趙彞齋梅竹詩紀年
為咸淳丁卯跋中稱自江右歸少室當是中
州人

蘭陵王

和清真

見陽春白雪

大堤直嫋嫋游雲蘸碧蘭舟上曾記那回拂粉塗黃弄
香色施顰託傾國金縷尊前勸客陽臺路烟樹萬重空
有相思寄魚尺 飄零歎萍蹟自嬾整羅衾羞對瑤席
折釵分鏡盟難食看桃葉迎笑柳枝垂結萋萋芳草暗
水驛腸斷畫闌北 寒側淚痕積想柱雁塵侵籠羽聲
寂天涯流水情何極悲沈約寬帶馬融怨笛那堪燈幌
聽夜雨鎮鎮暗滴

李好古

自署鄉貢免解進
士有碎錦詞一卷

宋史劉清之傳高安李好古以族人財爲訟
見清之豫章清之爲說訟家人二卦好古惕

然遽舍所訟市程氏易以歸卒爲善士

八聲甘州

壯東南飛觀切雲高峻堞縹波長疊蔽空樓櫓重關警
拆跨水飛梁百萬貔貅夜築隱形勝金湯坐落諸蕃膽
扁榜安江 遊子憑闌淒斷百年故國飛鳥斜陽恨當
時肉食一擲賭封疆骨冷英雄何在望荒烟殘戍觸悲
涼無言處西樓畫角風轉牙檣

江城子

從來難剪是離愁這些愁幾時休纔趁風檣千里到揚
州見說蒼茫雲海外天杳杳水悠悠 男兒三十做貂

裘強追遊夢魂羞可解籌邊談笑覓封侯休傍寒垣釀
酒去傷望眼怕登樓

水調歌頭 和金焦

歷歷江南樹半在水雲間不須回首且來着眼向淮山
過盡金山翬碧望斷焦山空翠楊柳繞江邊此意無人
會獨自久凭闌 夜吹簫朝問法記坡仙祇今何許當
時三峽倒詞源水調翻成新唱高壓風流前輩使我百
憂寬有酒更如海容我醉時眠

醉江月

西風橫盪漸霜餘黃落空山喬木照水依然冰雪在耿
耿梅花幽獨抖擻征塵扶携短策步繞滄浪曲悵然心
事浮生翻覆陵谷 試向商樂亭前冷風臺上把酒招
黃鶴四十男兒當富貴誰念飄零南北百畝春耕三間
雲臥此計何時卜功名休問賣書歸買黃犢

又

平生英氣歎年華都付山林泉石不作雲霄軒冕夢祇
擬綸竿簞笠見說湖陰飛飛鷗鷺半是君曾識梅花時
節試來相與尋覓 休謾汨沒埃塵浮生能幾鏡裏催
華髮趁取尊前強健在莫負花朝傾碧自遣長鬚親題
短句去約蕭閒客休教惆悵落花飛盡寒食

清平樂

清淮北去千里揚州路過却瓜洲楊柳樹烟水重重無
數
梅樓才轉前灣雲山萬點江南點點盡堪腸斷行
人休問長安

菩薩蠻

東園映葉梅如豆西園撲地花鋪繡春水曉來深日華
嬌漾金帶煙穿徑竹步入飛虹曲何處早鶯啼曲橋
西復西

方君遇

按韋居安梅礪詩話鄉人方君遇詩是有命
焉非倖致不知我者謂何求下語渾然天成

然非詩之正體居安家於吳興君遇蓋浙右
人也

風流子

見陽春白雪

春被雨禁持傷心事鬢去年時記芳徑暮歸褪妝微
醉暗幃先寢聞笑佯癡回首別離容易過楊柳又依依
紅燭怨歌髻花零落青綾牽夢屏影參差 桃源今何
在劉郎去應念瘦損香肌誤約夜闌從前怪我多疑但
帕收殘淚對人徐語指彈新恨推戶潛窺還是懨懨病
也無計憐伊

曹良史

字之才號梅南錢
唐人有梅南摘藁

方回桐江集跋曹梅南詩詞三摘云曹君良
史錢唐人衣冠佳盛湖傲山酣則有咸淳詩

摘兵火變遷江淮奔走則有梅南詩摘句如
雲生畫佛壁葉落病僧房閒來閉門處認得
讀書聲牆圍敗屋知無主風響荒林似有人
深樹月昏神火出斷烟雪霽獵人回展轉征
旗戰鼓十年間筆力益老矣至如鏤冰詞摘
則以詩之餘演爲雕刻流麗之作以至寶丹
調之字料生薑白之文法寄於少游美成之聲
俞宗大梅南藁序曹君故宫詞十九首與拜
景靈宮游湖曲登北城悼今思古所謂哀而
不傷怨而不怒忠厚而悱惻者也

江城子

見絕妙好詞

夜香燒了夜寒生掩銀屏理銀箏一曲春風都似斷腸
聲杜宇欲啼楊柳外愁似海思如雲背燈暗卸乳鵝
裙酒初醒夢初醒蘭炷香篝誰爲煖羅衾二十四簾人

悄悄花影碎月痕深

吳大有

字勉道號松壑嵎人寶祐間遊太學率諸生
上書言賈似道奸狀不報退處林泉與林昉
仇遠白斑等詩酒相娛元初辟爲國子檢閱
不赴有松下偶抄雪後清音歸來幽莊等集
按大有宋詩紀事絕妙好詞均作字有大今
從四庫全書改正

點絳脣

送李琴泉

見絕妙好詞

江上旗亭送君還是逢君處酒闌呼渡雲壓沙鷗暮

漠漠蕭蕭香凍梨花雨添愁緒斷腸柔櫓相逐寒潮去

胡仲弓

字希聖號葦航清源人流寓杭州仲參
之兄與仇山邨友善多湖山酬和之作

謁金門

蛾黛淺只爲晚寒妝嬾潤逼鏡鸞紅霧滿額花留半面

漸次梅花開遍花外行人已遠欲寄一枝嬌夢短濕雲和恨翦

李宏模

字希膺
號敏軒

按永樂大典載胡仲弓葦航漫游藁有次韻
東李希膺及寒食雨中用希膺韻詩當是淳
祐間人

慶清朝

木夫容

見陽春白雪

碧玉雲深彤綃霧薄芳叢亂迷秋渚重城傍水中有吹
簫儔侶應是瓊樓夜冷月明誰伴乘鸞女仙遊處翠帟
障塵紅綺隨步 別岸玉容竚倚愛淺抹蜂黃淡籠紈
素嬌羞未語脉脉悲烟泣露綵扇何人妙筆丹青招得

花魂住歌聲暮夢入錦江香裏歸路

張

桂

字惟月號竹山循王從子
恭簡公四世孫有慚藁

菩薩蠻

見絕妙好詞

東風忽驟無人見玉塘烟浪浮花片步濕下香階苔黏
金鳳鞵 翠鬟愁不整臨水閒窺影摘得野薔薇遊蜂
相趁歸

浣溪沙

雨壓楊花路半乾蜂遺花粉在闌干牡丹開盡正春寒
嬾品么絃金雁並瘦驚雙劍玉魚寬新愁不放翠眉
閒

劉天游

王琮雅林小藁與劉天游伯仲夜話雪中戲贈云水亭新得月坐對白蘋洲共說一夜話惜無多日留手鈔詩許借口誦咒如流最美同吟處對床風雨秋

氏州第一

見陽春白雪

冰縮寒流川凝凍靄前迴鷺渚冬晚燕閣紅爐馳峯翠
金曾憶花柔酒軟雲海滄洲甚又寄南來客燕洒雪朱
門回橈剡曲鏡華霜滿 萬里銀霄凝望眼恁吟袖畫
欄空暖樹帶潮墟笳鳴古戍簇仲宣幽怨想愁思春近
也隨宮繡時寬一線昨夜扁舟夢湖山眉橫黛淺

楊韶父

字季和號東窻

隱居通議五言絕句最難工蓋字逾少而意逾長乃為有味近時如楊韶父古意日江南望江北人去竟難招春水無期約年年到小橋有天然自在之趣

伊川三臺令

見陽春白雪

水村月淡雲低為愛寒香晚吹瘦馬立多時是誰家茅
舍竹籬 三三兩兩芳蕤未放瓊鋪雪堆只這一些兒
勝東風干枝萬枝

如夢令

涼月薄陰猶帶紅豆一枝秋思門外幾重山山外行人
千里歸未歸未又是菊花天氣

長相思

溪水清溪水渾溪上人家數畝園垂楊深閉門 青羅
裙白羅裙採盡青蘩到白蘋江南三月春

卓田

字稼翁號西
山建陽人

按山房隨筆載卓稼翁題蘇小樓眼兒媚一
闋丈夫隻手把吳鈞云云其詞俚率置不復
錄

昭君怨

見詩餘廣選

千里功名歧路幾緬英雄草屨八座與三台箇中來

壯士寸心如鐵有淚不沾離別劍未斬樓蘭莫空還

好事近

奏賦謁金門行盡雲山無數尙有江天一半買扁舟歸

去波神眼底識英雄閣住半空雨喚起半帆風力去

青天尺五

鄭夢協

字南谷亦
作鄭協

謝翺天地間集錄南谷鄭協詩二首溪橋晚
興云寂寞亭基野渡邊春深平岸草芊芊一
川晚照人閑立滿袖楊花聽杜鵑錢塘晚望
云錢塘江上夜潮過秋靜寒烟白露多吳越
青山明月裏舟人齊唱異鄉歌

八聲甘州

見陽春白雪

大江流日夜客心愁不禁晚來風把英雄口氣興衰餘
事吹散無蹤但有山圍故國依舊夕陽中直北神州路
幾點飛鴻 欲問周郎赤壁歎沙沉斷戟烟鎖艫聽

波聲如語空亂荻花叢甚雲間平安信少到黃昏偏映
落霞紅蓴鱸美扁舟歸去相伴漁翁

王曼之

字野處

天地間集錄野處王曼之詩二首西窗云西窗枕寒池池邊老松樹渴猿下偷泉見影忽驚去春日郊行云出門逢柳色忽過野橋西坐石看潮長隔花聞鳥啼地隨芳草盡樹與夕陽齊不是桃源路行人亦自迷

踏莎行

見陽春白雪

柳外寒輕水邊亭小昨朝燕子歸來了天涯無數舊愁
根東風種得成芳草 亭畔秋千當時歡笑香肌不滿
和衣抱那堪別後更思量春來瘦得知多少

趙時奚

號雲洞郎國公德鈞八世孫見宋宗室世系表

多麗

西湖

見陽春白雪

斂吳雲翠奩推上紅晴渺澄流鱗光寒碎遠峯螺紺
凝杏香引畫船影濕柳陰趁驕馬蹄輕橋限寬平堤橫
南北去來人入繡圍行漸際晚梅妝游因十里曳歌聲
蒼烟潤飛鴉妬春一夢催醒 認名園當時宴幸纜痕
猶在危亭露花濃靜迎直砌霧蘚冷淡護飛蕙幾對東
風留連麗景口年口老越山青夜深月照人依舊何處
最關情歡娛地星移世換客恨還盈

漢宮春

霜皎千林正石橋人靜春滿橫塘寒花自開自落曉色
昏黃明沙暗草對東風深鎖閑堂金漏短江南路遠夢
回雲冷瀟湘重到舊時花下按玉笙歌徹月正西廊
亭亭愛伊素影粉薄新妝經年瘦損謾誰知心事淒涼
休更聽城頭畫角一聲聲斷人腸

戀繡衾

迢迢江路日又曛爲春遲長是怨春小立馬千林下寄
寒香歸贈故人相逢細說經年恨早匆匆吹散霽雲
算惆悵芳菲事粉蝶知應自斷魂

又

江南烟水幾萬重記玉人花底舊容欲待寄飛鴻信望
前山夕照冷紅塞笳月下聲淒楚怨百花春事夢空
倩誰共東君說把陽和分付朔風

趙時行

字行可號石洞申王德文
八世孫見宋宗室世系表

望江南

見陽春白雪

霜月濕人睡矮篷秋驚覺夜深兒女夢漁歌風起白蘋
洲別岸又潮頭

趙崇霄

字有得號蓮舉宋史宗室世系
表商王元份九世孫汝情子

東風第一枝

見絕妙好詞

妬雪梅甦迷烟柳醒游絲輕颺新霽捲簾看燕初歸步

屨為花早起春來猶淺便做出十分春意喜鳳釵纔卸
珠幡早換巧梳描翠 著數點催花雨膩更一陣遞香
風細小鶯快暖調聲嫩蝶試晴舞翅清歡易失怕輕負
年芳流水好趁閒共整吟鞦日日訪桃尋李

趙必昂

字次山號雲舍太宗十世孫
崇嶠次子見宋宗室世系表

隱居通議次山年甫十七登進士第需次杜
門二十年不仕博極羣書為詩文敏瞻而有
風骨年近四十始為江西運使矩齋曾公頴
茂辟置薦歷幕府以至班改作邑登朝出守
撫州會長江失守時事已變制置使黃萬石
寓治于撫閩郡不咸竟為黃所擠奪其郡符
以與參謀官任君弼翊龍次山遂歸里俄而
野撫以城迎降次山避地于贛未幾鄉寓公
吳允文沒奉密詔以江西招討使舉義反正
結約次山協謀興復戰不利允文奔漳州為

都督文丞相天祥所殺次山解兵隱汀州之
番中踰年以疾終時丁丑十一月二十八日
其諸子死于兵疫無存者僅存一女可哀也
其在贛也間道寄予一曲感慨國事其詞云
云味其語意悲憤深矣又云景定壬戌曾仲
寶侍郎為江西轉運使時度宗立為皇太子
四月九日誕辰次山為會公作賀箋曰純乾
值月祥開初九之潛索震承華德稟函三之
極蓋四月應乾而初九潛龍爻應儲副且協
其誕日也次山為運使屬官往吉州督餉餉
與吉守麋左司弇有違言投劾歸里轉運使
洪侍郎燾愛其才力招之後以京狀薦之朝
次山謝啟曰蕭何之追韓信豈云得士之無
雙秦穆之用孟明姑示與人之能壹皆精切
如此

摸魚子

倚西風招鴻送燕年華今已如客青奴一餉貪涼夢昨

夜酒紅無力愁似織聽鳴葉寒蟬話到情無極舞衣春
入歎帶眼偷移琴心不斷衿袖舊時窄紅塵陌誰寄
佳人消息任他珠網瑤瑟金釵兩髻霓裳曲總是浪歌
間拍長夜笛且慢折輕勻留醉酒壚側烟青霧白望殘
照關河晴雲樓閣何處是秋色

詞綜補遺卷十三



